

△人物誌
○歷朝憲章類誌卷之七

●勳賢之輔

李時四人 陳時十人
黎初十八人 莫時一人

○李道成 古法人。李朝宗室。聖宗時。夙蒙眷注。歷升太師職。聖宗朝。欽受顧命。仁宗立。靈仁太后垂簾。當國。道成言事忤旨。以左諫議大夫出知乂安州。在鎮時。感念先帝於本州王聖廟內立地藏於院中。安佛像及聖宗位號。晨昏奉事。三年特召爲太傅。平章軍國重事。左右厥辟竭誠。王家初李尙吉以御留李朝中
官別名被親寵干預政事。道成不與協。遂補外。旣再入輔。盡心彌縫。朝政邊畫。多所裨益。七年卒。人皆惜之。

黎伯玉 初以儒學入侍仁宗朝。歷升禮部右侍郎。龍符中。以事貶爲內人書家。天符睿武二年。加內常侍。五年復爲禮部侍郎。七年廣安儂反。命將兵討之。將行。會軍盟于太興門外。宣軍令。次年至廣源州。叛黨逃入宋境。約束沿邊尋引還。天符元年。帝不豫。召受顧命。輔幼主。遺詔有云。咨爾伯玉。寔丈人器。飭爾戈矛。豫備不虞。無替厥命。其信任如此。仁宗崩。神宗卽位。令伯玉宣諭王侯百官。論翼戴功。陞太尉侯秩。賜錢幣有差。天順元年。加太師。命改姓張氏。三年卒。伯玉以文臣知兵。干戈蠶蠶。左右攸宜。受顧命位師傅。勳望隆重。功著兩朝。爲一時元輔云。

蘇憲誠 少有才略。德智兼優。英宗初官太傅。預典兵事。大定二年。卜者申利反。僭稱南平王。爲杜英武所敗。奔諒州。憲誠提兵追之。擒利檻送京師。二十年。牛吼哀牢叛。奉命討之。俘獲人馬牛象。

卷七 人物誌 勳賢之輔

廿四

金銀珍寶甚衆。以功拜太尉。二十一年選民丁壯士隸軍伍。二十二年爲都將領兵二萬巡西南海邊各處安鎮邊隅。帝親送至大安海門而還。政隆寶應五年伐占城。占人請和乃班師。時英武既死。憲誠當國秉樞練兵擇將講習騎射戎政邊防一齊振整天感至寶二年冊立龍輴爲太子。拜憲誠入內檢校太傅平章軍國重事。王爵輔翼東宮。帝弗豫命憲誠抱太子攝政。迨大漸日遺詔輔導太子國家事務。一委裁決。黎太后欲立故太子龍祀。以金銀賂夫人呂氏。憲誠曰吾以大臣受顧命輔幼主今受賂而廢立何面目見先帝於地下乎。后又召憲誠諭之百端對曰不義而富且貴豈忠臣義士所樂爲。况先帝言猶在耳。豈不聞伊尹霍光之事乎。臣不敢奉旨。事遂寢。高宗卽位。拜太尉領禁兵。嚴號令明賞罰天下歸心。貞符四年寢疾參知政事武賢唐夙夜侍側。諫議大夫陳忠佐不在太后臨問。如不諱誰可代者。竟以忠佐對。其公忠如此。后深嘉之。及卒。帝減膳三日。憲誠以元臣受重寄盡心竭誠善處變故。雖擊撞震憾而砥柱不移。卒使上安下順。不愧古大臣之風云。

李敬修 原姓杜。賜國姓。英宗末歷典樞曹。隨憲誠輔政。撫綏鎮定。預有勳勞。高宗貞符七年爲帝師。內侍帷幄外教民忠孝。太后不敢萌異圖。治平六年帝不豫。召受顧命。立惠宗尋卒。

按李朝二百餘年輔臣固不少。而史書登名類皆見官職而不見功狀。大抵是隨辰浮沉鮮有樹立可紀。求之功跡著見蔚然在聞者就中惟此四人。而李蘇之勳績誠爲卓卓。黎嵩史論有曰。李道成之托孤蘇憲誠之輔政彷彿伊周之忠愛蓋眞定評。其次惟李公平黃義質似亦可取。但其顛末弗詳不可登錄。公平神宗時爲太尉屢破古兵。義質英宗時爲太傅有扶日功。至若俞都禹你文盛子充者流阿媚奸邪殊覺可笑。

英宗時牟俞都獻雀而遷太師。劉禹你獻檳榔而規有罪。仁宗時黎文盛化虎謀反。神宗時李子充進鹿而進樞密使。師保輔弼之任往往玷職凜官可見李朝一代人才之鮮少云。

◎陳陳光啓 陳太宗次子。封昭明大王。聖宗拜相國。仁宗朝進位上相。元兵來侵。公敗。唆都於章陽從駕還京。有詩云：奪槊章陽渡。擒胡鹹子關。太平當致力。萬古舊江山。收復功居第一。英宗時進封太師。卒年五十四。博聞多識。能通諸番語。每北使至。輒充伴接之選。尤嗜學。能詩。有樂道集行世。所居號福興。常招客吟詠。有詩云：福興一曲水回環。中有平園數畝寬。梅塢雪消珠蓓蓄。竹庭雲捲碧琅玕。暑來邀客燒茶碗。雨過呼童理藥欄。南望狼煙無復起。頽然一榻夢偏安。可略見其風概也。子文肅王道載亦以文學名于時。孫威肅文璧歷任太保。曾孫章肅元旦亦有顯名。別有傳

見後

德澤深

厚與王家相始終焉。

莫挺之 字節夫。至靈隴洞人。聰穎絕人。而資相卑陋。英宗朝賜狀元。既登科上。嫌其貌醜。乃作玉井蓮以自况。有曰：豈淒落兮無容。歎嬋娟兮多誤。苟予柄之不阿。果何傷兮風雨。英宗見而嘉之。遷太學生。勇首充內書家。往使如元。元人以卑小陋之。常召入相府。命坐府中。有帳繡黃雀棲竹。挺之趨觀之。元人皆笑其陋。挺之卽拽雀裂之。衆怪問故。應曰：我聞古人有梅黃雀畫。未聞有竹雀畫。竹君子也。雀小人也。今宰相以此繪諸帳。是以小人加君子也。恐小人道長君子道消。我爲聖朝除之。衆服其敏。及進朝。適外國進扇。挺之奉命爲銘。援筆立就。銘曰：流金礫石。天地爲爐。爾於斯時。兮伊周巨儒。北風其淒。雨雪載塗。爾於斯時。兮夷齊饑夫。噫用之則行。舍之則藏。惟我與汝。有是夫。元人益嘉歎之。明宗時。尤蒙寵遇。憲宗立。拜入內行。遣右司郎中遷左司郎中。歷至大僚班左僕射。在

卷七 人物誌

勳賢之輔

廿六

官廉潔耿介。明宗嘗使人將錢拾纏。夜置其門。挺之入朝。即以聞。其臨財不苟如此。詩辭清雅可誦。往往有古唐音云。

其後七代孫登庸繼襲。追封爲惠威靈慶王。卽龍洞社故基。起崇德殿。

阮忠彥 天施土黃人。英宗時甲辰黃甲。時年十六。明宗受禪。與范遇如元報聘。大慶八年爲御史臺侍郎。開泰元年元使馬台謀等承馬至西。透池橋輦道不下。忠彥以理折之。合謀卽下馬步行尋

忤旨。左遷英朗州通判。有政聲。擢僉知聖慈宮事。三年。左遷清化安撫使。六年。憲宗受禪。上皇征牛吼扈從。編修寢錄。開佑四年。拜內密院副使。擢知審刑院事。仍兼清化安撫使。忠彥立平允堂。決獄無冤濫者。上皇征哀牢。充清化發運使。哀牢遁。奉詔磨崖紀功而還。九年。遷乂安安撫使。兼國史院

監修國史。行快州路漕運使。立漕倉貯田租以賑饑民。詔諸路倣其法施行。十四年。拜京師大尹。裕宗立命與張漢超編定皇朝大典。考撰施行。紹豐二年。陞行遣知樞密院事。十二年。拜入內行遣。仍知樞密院事。十五年。拜諒山鎮經略使。大行遣尚書右弼兼樞密院事。侍經筵大學士桂國開縣伯加申國公。後十餘年卒。年八十餘公嘗有詩云。介軒先生廊廟器。弱齡已有吞牛志。年方十二太學生。纔登十六充廷試。二十有四入諫官。二十有六兼臺使。平生好吟詠。詩辭雄渾俊健。深得杜陵風格。有介軒集行世。

張漢超

字升甫。安寧

今安慶福城人。今福庵

初爲興道王門客。

英宗興隆十六年。拜翰林學士。

明宗朝。進行遣憲宗開佑十一年。拜門下右司郎。

裕宗立命與忠彥編定皇朝大典。考撰訓書。紹豐二年。

遷左司郎中。兼諒山經略使。五年。擢左諫議大夫。十一年。陞參知政事。十三年。占城寇化州。官軍失利。上召漢超謀之。乃命領神策諸軍。鎮化州。邊境復安。在外鬱鬱不得志。常有詩云。玉京同首五雲。

深零落殘魂若不禁已辨荒郊埋病骨海天草木共愁吟十四年以病乞歸未至京師卒贈太傅漢超爲人骨鯁文章政事兼優帝但以師稱而不名尤志排斥異端嘗撰北江關嚴寺碑文略曰寺廢而興既非吾意碑立而刻何事吾言方今聖朝欲暢皇風以正頹俗異端在可黜王道當復興爲士大夫者非堯舜之道不陳前非孔孟之道不著述顧乃拘拘與佛氏囁嚅吾將誰欺所居福庵與登安隔一港愛浴翠山水之勝築室居焉有詩記刻石見者皆慕尚之大治六年追贈太傅

黎括

字伯達號梅峯東山甫里人朱安門人少遊學京師登第受知明宗歷官僕射裕宗大

治九年命閱定清化帳籍累遷尚書右弼入內行遣志崇正學排闢異端嘗作北江紹福寺碑記云佛氏之福禍動人何其得人之深且固也上自王公以至庶人禮施於佛氏雖竭所有亦無斲嗇苟今日托付於寺塔則欣欣然如持券以取明日之報故自內京城外州縣窮村僻巷不令而從不盟而信有人家處必有佛寺廢而復興壞而復修鍾鼓樓臺與民居相半其興也易而尊崇甚大也余好讀書志於古今粗亦明聖人之道以化斯民而未能信於一鄉嘗遊觀山川足跡半天下求所謂學宮文廟未常一見此吾所以深有愧於佛氏之徒也輒暴吾以書蓋諷世作也文章登用與范師孟齊名時稱黎范有子捨狗節陳末封罵賊忠武侯

范師孟

字畏齋峽山峽石人朱安門人明宗朝由太學生擢任省院奉使如元裕宗紹豐五年

元使來問銅柱事奉使往辨六年掌禁書兼樞密參政大治元年進入內行遣知樞密院事二年遷行遣左司郎中五年知樞密院事進入右納言奉詔陳閱五路軍以修邊備才器雄猛詞源汪洋萬里歷覽江山到處吟題留刻皆豪逸可誦有峽石集行世

卷七 人物誌

勳賢之輔

廿八

段汝諧 嘉福長津人。陳英宗興隆間遊學京師。時上皇仁宗自天長回京。遍觀宮殿。帝獨醉臥不覺。上皇大怒。命駕還天長。詔百官明日俱至天長點集。帝醒覺大懼。趨出殿外過質福寺。汝諧在門。帝問之。汝諧伏地對曰。臣以學習誤在此耳。遂引入燕寢。謂之曰。朕以酒因得罪於上皇。今欲詣前謝過。汝宜爲朕草表。汝諧奉旨立獻。帝卽以輕舟往。令汝諧從。趁夜趨天長。晨至府。命奉表以入。上皇問此何人。內官以官家捧表人對。上皇不應。薄晚風雨大至。汝諧長跪不動。上皇問庭中人在否。命受表覽之。見其辭意懇切。召帝入諭旨曰。朕有別子。亦可嗣位。朕在尙如此。後當如何。帝頓首謝。因問曰。撰此表者爲誰。對曰。書生段汝諧。復召汝諧曰。汝之所撰深契朕意。乃詔官家復帝位。帝還宮。拜御史中贊。時年甫及冠。奉命使占城。謁上皇於崇嚴寺。上皇與語。不覺移時。謂左右曰。汝諧善士。宜其蒙官家使令也。占城舊俗。使者至皆拜國王。而後宣詔。汝諧既至。徑詣案奉安詔書。因謂國王曰。自齋天詔以來。阻望清光久矣。今日開詔。如對天顏。且對詔拜。然後奉宣。雖當國王前。然以拜詔爲名。及還。帝尤嘉之。遂決意大用。拜參知政事。十二年知樞密院事。十五年時改烏里二州爲順州化州。汝諧奉命往宣示德意。簡迪其衆。授之以官。給田宅。免租稅。三年卒定其民。二十二年扈駕征哀牢。汝諧爲督將。意哀牢趨南戎。其衆單弱。擊之必克。且砦臨屑羅江。既克之後。沿流而下。過諸番震耀兵威。因諭子弟入朝。及交戰。陰霧晦冥。賊先伏兵夾戰。陳兵大敗。墜水者過半。汝諧在焉。明宗聞之曰。汝諧用必克之謀。乘必克之勢。功垂成卒。爲賊所餌。非不知料敵。但所爲過大而致然。乃知人之期望。不可踰分限也。其後封上等福神。本縣會川華店曾上富朝與嘉林驍騎。凡

陳時見 東潮巨乍人。興道王進之擢天長安撫使。居官廉潔。時人有以盤飧遺之。詰其所由。對以隣近無干請。未幾果以事託公。探喉吐之。陞檢法官。訟至折之。以理事來應之。以方人咸曰可以折獄。及入侍行遣右諫議大夫英宗嘗賜之笏。御製銘曰。泰山貞高象笏貞烈靈貓薦角爲笏難折。歷仕明宗朝。終左僕射。

范宗邁 號敬溪。峽山敬主人。初姓祝。仁宗改賜姓范。明宗初使元。歷御史中贊。質直敢言。有古爭臣風。累遷門下省同知。數載而罷。詩辭清裕。飄逸常有高趣。其題隱居云。陶令歸心帶松菊。少陵吟興動江山。訪僧云碧溪。雪淨茶甌爽。紅樹風多竹院涼。徐步要窮終日興。清談爲解十年狂。皆可想見其風格也。弟遇號寮溪。明宗時與忠彥使元。歷官知審刑院事。累遷尚書左司郎中。亦以清謹稱于時。

陳元旦 號冰壺。昭明王曾孫。封章肅侯。初從藝宗出奔。匡復稷社。預平日禮之亂。拜司徒輔政。歷睿宗朝。兼知廣威軍事。廢帝昌符中。胡季犧以外戚見用。專弄朝政。元旦自以尊室大臣。見國柄下移。無復有經濟志。遂請老歸岷山。以竹石自娛。一日寄僚友詩有云。今古興亡真可鑒。諸公何忍諫書稀。憂國之心。往往發諸吟詠。然時事既去。終不能有爲。上皇嘗幸其第。問疾及後事。皆不言。但曰。陛下敬明國如父。愛古城如子。則國家無事。臣雖死且不朽。嘗作十禽詩有云。人言寄子與老鴉。卜識老鴉憐愛不。蓋諷上皇托順宗於季犧也。爲人慈祥儒雅。有古君子風雅。好文章。所居岷山。有清虛洞。漱玉橋。備諸林泉之勝。退休時。觴詠其間。浩然自適。有冰壺詩集行于世。

按陳朝宰輔。英宗時往往多得名臣。其宗室者以勳望而入相。儒流者以文學而登揆。惟才是與不專拘於資格。故當時賢傑自皆見用。如節夫介軒之峻潔。升甫梅峯之剛毅。與夫汝諧。時見之才氣。峽山敬溪之風節。莫非一代之英。雖求之致主經邦。若有未盡。而其一世人自足了。一世事。卓卓風概類皆可書。至若冰壺公遭值季世。雖無顯跡。而見幾退處。要亦不失爲賢。故併以附見云。

●黎 阮 蘭。號抑齋。上福蕊溪人。陳末進士阮飛卿之子。陳元旦之外孫。弱冠以文章鳴。世經史百家及韜略兵書。無不淹貫。年二十一中閩胡庚辰科太學生。父子同時登上官御史臺正掌。未幾明人南侵。二胡被執。父飛卿亦爲所虜。薦僅以身免。總兵張輔迫飛卿爲書招之。不得已就降。再知其不肯效用。欲見殺。尙書黃福奇其貌。釋之。留東關城閒住。時陳故臣阮景異。鄧容等鎮順化軍。迎立重光帝。以圖興復。黎太祖亦遙應詔命。起義於藍山。累破北兵。軍聲稍振。公憤明人貪毒。思拯生民。欲擇其主事之。而未知所向。乃脫身潛去。投宿于鎮武觀。懇求一夢以卜去就。夜半聞神語。以姓名。遂決意以求潛入清化。至瀘江行營謁見獻平吳策。太祖大喜。前一夜。帝亦夢神人賚良弼。及太祖見公狀貌。宛然與所夢同。遂奇愛之。置諸左右。參謀帷幄。累進翰林院承旨學士。丁未春加朝列大夫。入內行遣吏部尚書兼行樞密事。每與明人往復文書。與諸城曉諭。皆奉擬撰。帝旣放明人還國。奉撰平吳大誥。戊申春論功行賞。進爵冠服侯。預頒國姓癸丑年。奉撰永陵碑文。太宗紹平初。諸大臣擬以公與程舜俞等入侍經筵。輔成君德奏不諧。公又奉議樂與宦豎梁登不合。遂辭不與事。歸築室於至靈岷山。時朝參大寶壬戌年。年六十三秋。以妾阮氏路入侍。毒弑太宗。廷論夷三族。

有妾時方懷孕。隱遁得免。尋生子鸚鵡。聖宗朝軫其冤。賜之縣職。追贈公爵濟文侯。所著有玉堂詩集。世傳公鄉大陂中有巨蛇。樹木叢莽。邑人不敢剪伐。公祖愛其風水。結構書堂於上。命門人芟穢。誤殺是蛇。蛇精埋怨。托生氏路。脅下有鱗。公少時道遇於武陵。悅其才色。納之。及當國事。凡詔書辭命。莫不與之潤色。太宗立。聞其名。召入見。拜爲禮儀學士。時公年老。欲歸岷山養閒。累請不許。乃留氏路內侍。帝許之。東巡日。氏路宵侍。帝崩。及獲罪。臨刑。氏路走赴水。人以爲蛇毒之報。公以文章謀略。得君經世。爲開國第一功臣。當時咸惋惜之。然事久論定。是非自明。聖宗御製詩云。抑齋心上光奎藻。親注云。抑齋先生於太祖創業之初。瀘江歸附。內則贊畫帷幄之謀。外則草諭列城之文書。華國詞章。寵信貴重。蓋深歎美之也。其後公之子孫繁盛。爲蕊溪望族。同縣奉祀。祠宇香火。至今不絕云。

黎文靈 雷陽海歷人。少以文章稱。聞太祖晦迹藍山。挺身歸附。戊戌帝起義兵。與阮廌密侍左右。爲帷幄謀臣。運籌決勝。屢著勳績。帝之圍東都也。嘗獻密謀。陷城。明人計窮出降。王通還。天下大定。順天初。論功封卿上侯。累授入內少傅。遷右弼。太宗紹平二年。與總管黎杯。討琴貴。檻送京師。四年。以諫戮。黎察降僕射。尋降太傅。仁宗太和五年卒。年七十二。文靈歷事三朝。勳望隆重。性深沉多智略。識政事大體。廟堂謀議。多所建明。黎察被戮。直諫不阿。甘受譴責。爲公論所與。尤剛直有氣節。屬邑有虎狼。不時見爲人害。文靈爲文責之。虎皆遠去。時人以此比之韓愈之馴鱷魚云。贈開府賜謚忠獻。子航好吟詠。延寧間。爲都督同知。洪德中。授尚書。奉使。蘇常郡公。

卷七 人物誌

勳賢之輔

廿二

陶公撰 字賓卿。仙侶善片人。國初迎謁王師。丙午歲。黎太祖幸東都。御試諸生中第一。時帝初得國。遂使陳情于明。明人諭以求陳氏。後順天己酉二年冬。以公撰爲頭目。充正使。往求封。并奏尋陳氏子孫事。使還。歷官東道參知。紹平初。加知審刑院事。乙卯冬。升審刑院使。兼禮部尙書。時明使將來。以公諳詳典故。特授是職。命掌應接丙辰春。再奉正使。如明求封。丁巳秋。加門下右侍郎。參知北道簿籍。太和丙子三年。奉充正使。如明歲貢。回加入侍經筵。己巳夏。以年老乞致仕。帝不許。累加入內大行遣。知三館事。延寧丙子。以老臣諳練。奉往太原界上勘定疆地。時近八袞矣。卒年七十八。爲人溫恭儉約。有名臣風度。詩亦清裕可誦云。

裴擒虎 天祿度遼人。太宗紹平初。以儒學進用官御史中丞。剛直敢言。不避權要。時大臣黎察專權。當國擒虎上疏劾之。坐此出爲諒山安撫使。察既罷。復召入爲御史。帝以黎察奸縱。欲斬以徇。擒虎奏察罪固當死。然嘗爲大臣徇屍示辱。恐貽譏後世。帝乃賜察自死。其以直報怨如此。時梁登以宦豎定樂。黎渚以弩軍遷官。擒虎皆上疏切諫。帝雖不用。頗憚其直。五年。奏儲糧寔邊事。帝從其策。是年冬。充副使。如明奏太平地方事。仁宗太和初。兼西道同知。歷遷參知政事。俗傳公初遊學長安時。有一人遠商歸。其婦煮黃蟮羹食之而死。蓋蟮類蛇白頭有毒能殺人者。有司治婦罪。公爲辨其冤。事聞。得召用顯官。後嘗於洪嶺鑿溪一曲灌田千餘頃。鄉人德之。卒後祠于白鼻山下。歷朝加封福神。

阮天錫 字玄圭。仙遊內裔人。太祖順天四年。登宏詞科。以文章結知預參邦交詞命。紹平初。兼知御前學生。奉副使如明。謝致祭。回升侍御史。丁巳夏。以舉劾知詞訟。鄭克復管解管領。黎忠非違。

事不報。乞罷職。帝命還就官。又劾大司徒黎察專權。察竟坐罪。戊午冬再奉充貢部副使。歷遷翰林院侍讀。壬戌冬奉撰祐陵碑文。太和中除內密院副使。被誣落職。再起用爲翰林知制誥。聖宗立。拜兵部尚書。遇事盡言無隱。聖宗獎諭之曰。唐之王魏何以加此。尋被謫。後復職兼祭酒。公以文學得用。而風峻慷慨。始終不渝。受知四朝。以氣節推重云。

潘天爵 武寧縣人。爲太祖舊臣。歷官臺諫。剛方慷慨。紹平初出爲右藤州轉運。復入爲侍御史。遇事敢言。風節鯁直。時國喪未除。大臣黎受娶妻。起第。天爵上章彈劾。帝命徧入諸大臣家看驗。因問曰。諸臣非無此事。卿獨奏受。何也。對曰。都督司寇司馬皆顧命大臣。宜正已以率百官。有所營爲。必循禮法。臣見如此。不可不言。今奉勅使徧觀諸宅。臣敢不盡職。於是又疏構新宅者參知黎定等二十餘人奏之。帝雖不窮究。而嘉其直。二年。帝始臨政。頗事遊戲。天爵與言官上疏略曰。先帝櫛風沐雨。躬擐甲冑。勞神苦體。十餘年而後定天下。陛下繼志成業。可留心學術。勤於求賢。以圖治功。今大臣進太保右弼。視勸講學。陛下起去而不聽。其不可一也。如陞衛官領。見陛下射禽或諫止之。陛下不聽。又引弓射之。先帝選取功臣弟子使之侍學。陛下皆疎遠之。而內與近習侍內嬉戲。凡人君必求賢才能。極言直諫。及有功者而後賞之。今反與宦官戲賞。此皆不可之大也。臣待罪言職。敢不條陳。願陛下臨朝之際。或接近大臣。或聽羣臣奏事。必平正尊嚴。假以天子穆穆之容。敬大臣。勞有功。納直諫。以開言路。達下情。則繼志述事之大孝。不專美於成王太甲矣。帝見疏大怒。遣宦者至天爵家詰問讓之。天爵曰。臣重在愛君盡職而已。死亦何憂。明日入朝奏言。虞舜聖人也。而伯益以怠荒爲戒。唐太賢主也。而魏徵以十漸爲防。臣等辱在言職。恐君有過。故效其狂愚。陛下納之。則萬堯

卷七 人物誌

勳實之輔

十四

工技各盡所懷。陛下聖德益光大矣。帝意始解。時大臣擬以宿儒入侍經筵勸學。帝不納。天爵奏曰。生知莫如堯舜。而猶以君疇成昭爲師。自古帝王之增益君德者。未有不由學問。况陛下春秋之富。古今治道。未盡周知。大臣察等選用儒臣入侍左右。蓋欲陛下爲堯舜耳。陛下胡爲忽社稷而違其忠誠乎。願思先王顧托之意。則四海蒙福。而陛下享大孝之祿壽矣。其他如騎象鬪羊。皆隨事規諫。帝亦頗嚴憚之。仕終中丞職。太和間卒。

阮直 字公挺。青威貝溪社人。父時中善風水。見安山義邦有吉地。因娶其鄉杜氏女而家焉。遂生公于佛跡山庵。公幼而敏悟。博覽羣書。十二歲善屬文。十八歲領山西鄉薦。第二十六歲登太宗大寶壬戌科第一甲進士第一名。爲開國狀元。仁宗太和初。授翰林直學士。武騎尉。尋除南策安撫使。還朝授翰林院侍講。兼御前學生二局。歷中書省中書侍郎。奉北使。值大比。公陪臣應舉。明人又賜及第。故世稱兩國狀元。延寧二年。值家艱回籍。四方士夫從學者千數。終制適明使至。帝命作往復文書。及賀登極表。明人嘉歎。仁宗遇變。操文以祭辭。極哀切。聖宗登極。尤以詞章得幸。光順二年。授宣奉大夫中書令。知三館事。大僚班屢乞歸西山草堂。不許。嘗有詩云。病承恩詔許留京。歸計如今一未成。何日西山山下路。蓑衣小笠看春耕。又云。大庭曾對三千策。浮世虛驚五十年。不是無心來禁省。只因多病憶田園。可想見其風概也。洪德四年。升嘉行大夫翰林院承旨。兼國子監祭酒。是年卒。壽五十七。平生著述號樗寮集。學者稱爲樗寮先生。公以大魁登用。而淡視功名。常有急流勇退之意。申仁忠稱其文章結知累朝。而謙恭以保終始。蓋定評云。

阮如堵 字孟安。青池大瀾洲人。屋上福紫陽十九歲。登太宗大寶三年壬戌科會元殿試第一甲進士第二名。爲開國榜眼。太和癸亥冬官翰林知制誥。奉副使如明謝致文皇祭回。遷歸化路安撫。己巳陞直學士。庚午冬再充貢部副使。延寧己卯秋三奉如明歲貢及解余珠事。聖宗立。愛好儒術。公密蒙眷用。擢吏部尚書。時年三十七。累加門下省左司右諫議大夫。知北道軍民簿籍。兼翰林院承旨學士。進兼禮部尚書。謹德殿大學士。太子賓客。提調丙戌己丑二年殿會試始典銓。曹洪德庚寅冬扈駕征占。未幾被譴。隨復召用。爲吏部加少保。兼國子監祭酒。歷十餘年致仕。統元中卒。壽一百二歲。公早擢魁元。壯躋顯要。年登期壽。歷閱八朝。亦仕途所罕有。初公於太和中奉勅撰皇親武穆公南界廟碑。今其文現存。並詩集行世。

梁世榮 天本高香人。少稱神童。年二十二。登聖宗光順四年癸未科第一甲進士第一名。應制第一。初光淑皇太后夢至上帝所。上帝賜以仙童爲嗣。又許一仙童子爲輔。及覺。遂有娠。生聖宗。至是科得公。太后驗其形貌。宛然夢中所見童子心異之。以告天子。天子奇其事。且愛文章。遂令密陪詞幄。初官翰林直學士。權工科給事中。洪德中歷加翰林院侍書。堂院事。兼崇文館秀林局。凡邦交詞命皆奉擬撰。名聞中朝。明人嘉其國中有人預騷壇。洒夫自號睡軒。公於書無所不讀。學問甚博。嘗定大成算法。但性詼諧禪門。科教多所撰作。歿後爲邑福神。

郭廷保 靑闡福溪社人。年二十四。登光順四年癸未科會元。廷試賜第一甲進士第三名。以文學登朝。邇聯侍從官翰林直學士。庚寅奉使如明奏事。使回。遷東閣校書。歷陞副都御史。兼左春坊左中允。洪德癸卯。與申仁忠等奉纂天南餘暇集。與親征記。尋進禮部尚書。兼官如故。時年四十四。

卷七 人物誌

勳賢之輔

卅六

甲辰秋奉看詳自大寶壬戌至是年甲辰科進士名次勒石立于太學乙巳年遷刑部尙書有嚴之兄兄弟同朝世傳公祖還人遺金因得厚報云

郭有嚴 福溪社人年二十二登光順七年丙戌科二甲進士洪德庚戌官副都御史監殿試尋陞都御史提調癸丑丙辰二科殿試時年四十九景統庚申春改授太常寺卿壬戌冬奉正使如明謝賜冠服時明皇后見我國使至差官收取函箱討取異香有嚴有所買龍袞禁物貯箱內恐明人檢得之乃作戒本部榜文收異香上進其文曰匹夫懷璧麟經貽瀆貨之譏胡賈藏珠馬史示輕生之戒故叩闕呈琅者嘉忠純之可尚而進芹獻曝者雖微小而可稱歷歷薰蕕昭昭龜鑑照得本部使等率自下方之遠來觀上國之光萬里梯航拔涉寧辭於海島九霄日月瞻依快覩於天顏趨聲名文物於虞朝覩禮樂衣冠之周制尊親在念報答無階凡其隨身財貨豈宜糊心愛惜某有琦楠異香一合呈付差官揀裁進入明帝見其文稱爲三代人才優加宴賞賜大紅綢豸織金胸背紵絲等物有嚴上謝表云臣竊惟天地發育萬物雖萌芽根荄猶感生生化化之仁帝王撫綏兆邦雖絕徼窮氓猶仰蕩蕩平平之道今臣忝因夏貢近望堯雲仰天日於長安瞻依正切廁衣冠於王會欣幸良多豈圖微遠之餘疊荷寵光之賜章身有耀品采孔揚命服匪頌笏文生色故雖草木孤根之陋尤感乾坤大造之恩臣不勝仰戴銘佩之至敬祝皇帝萬萬壽與天齊年率土臣民共樂雍熙之治庶邦大小永孚漸暨之休是臣之所深願望也陞辭日明帝復賜大紅骨朵雲織金綢笏紵絲熟絲等物并付給馬船回國有嚴謝詩云曾因國事貢珍封藻宴叨陪玉殿中笏采已彰三品服鷁舟再駕八荒風詩辭笑乏寬如海酒力那堪飲似虹福壽擬同周雅祝升恆日月照臨公使還歷進吏部尙書兼都御史廷保之弟兄弟並列尙書

杜

潤

金華金華社人。年二十一登光順七年丙戌科同進士。以文章登用陪侍編圍。戊子秋

駕幸藍京。與郭廷保等扈從奉賡和孝治英華詩集。洪德辛卯陞東閣校書。癸卯冬典。申仁忠等奉纂天南餘暇集。尋加兼東閣學士。甲辰初立進士題名碑。奉與申仁忠等分撰記文。時天子稱騷壇都元帥。以杜申二公爲副元帥。凡御詩及詞臣酬奉悉爲批評。上甚加信用。常夜侍御前論道理。天文諸臣莫得預焉。癸丑年陞翰林院侍讀兼東閣大學士。時年四十八。乙卯冬奉和瓊苑九歌詩韻。與仁忠齊名。當時稱爲申杜。仕終尙書卒。

申仁忠 安勇安寧人。年五十餘登光順十年己丑科會元。廷試賜同進士。以文學登用。初授翰林院侍讀。尋加兼東閣大學士。歷陞翰林院承旨。仍兼東閣洪德癸卯。與郭廷保、杜潤等奉纂天南餘暇集。上常題其稿以美之。歷加兼國子祭酒。時天子愛好文翰。稱騷壇元帥。奉評御詩及賡和瓊苑九歌詩。常乞歸拜掃。憲宗在青宮。賜詩送之曰。幾年邃地久承恩。暫假歸來拜社神。清案面辭東閣月。故閭情望北江雲。鄉心無限三杯酒。親念難勝數尺墳。須信顯揚貞是孝。好推此意答明君。其見雅重如此。景統初。奉撰昭陵碑。累陞至吏部尙書。兼翰林院入侍內輔政。兼東閣如故。壽八十餘文。詩尚典雅渾厚。不事雕琢而格致自佳。酬奉諸作多得御筆稱賞。子仁信、仁武二人同時顯達。天子常賜之詩曰。二申父子沐恩榮。寵遇超冠尤。爲世所罕云。

陶舉 超類淳康社人。十八歲登光順丙戌同進士。改名舜。舉工於詞藻。丁亥由知縣試中宏詞科。命入秘監讀書。陞翰林侍制。尋擢知制誥。丙申夏由翰林侍書。陞東閣校書。壬寅秋以扈從西征勤幹無犯。陞翰林院侍讀。仍兼東閣與大學士申仁忠奉修天南餘暇集。及親征紀事。戊申春以

卷七 人物誌

續費之輔

卅八

三考稱職。陞東閣學士。文章操履深爲帝所器重。禮遇居中杜之次。常賜和梁江夜興詩及奉評言。心百詠集。居官益勤職守。歷陞戶部尙書。知崇文館。秀林局。景統中卒。兄正已亦登黃甲。兄弟同朝。阮居道 嘉定東塊人。登太宗大寶三年壬戌科同進士。初充御前學生。太和己巳遷監察御史。尋以劾奏政事院參議譖員降爲國子直講。延寧丙子奉充貢部副使。太宗在潛邸。辰爲文籍友。及帝登尊。遂蒙眷用。光順初擢翰林承旨。權戶部侍郎。入侍經筵。歷陞副都御史。丁亥進都御史。戶部尚書。帝常諭之曰。昔予少時爲爾所友。登大寶日汝作經筵以臣下而觀。則爾爲知己之友。學識之交。以君臣而觀。則汝爲魚水之緣。風雲之會。爾盡心竭力。勉圖報國。則吾爲人君之明。爾爲盡忠之臣。顯號揚名。光于方冊。顧不快哉。其相與孚契如此。寔君臣之奇遇云。

覃文禮 桂陽覽山人。字弘敬。號道齋。少稱神童。鄉試解元。十八歲一舉登光順十年己丑科同進士。初入朝擢翰林校理。洪德癸卯官翰林侍書。與申仁忠等纂修天南餘暇集。戊申奉正使如明賀登極。使回陞副都御史。監癸丑殿試。未幾進禮部尙書兼東閣大學士。奉敕撰昭陵神道碑。景統己未明使冊封。奉命就驛館議禮。欽皇既登儲二命爲左春坊右諭德。仍兼同職。甲子夏憲宗寢疾。阮敬紀欲立威穆帝。以金賂拒不受。遂與都御史阮公弼受遺詔立肅宗。及威穆帝襲位。憾前事。貶行廣南。承宣至真福。大江使人追逼。自盡。公投水卒。年五十四。及洪順起兵。追封致祭。以旌其節。云左侍郎參掌翰林院事。奉敕撰佛跡山顯瑞庵碑銘序。曰。帝王之興必有靈異。靈異之應必有所憑。溯觀古初。明徵可考。跡履巨人而庖羲啓聖。虹流華渚而金天應祥。月貫瑤光而顥頊生帝欹其祀。

阮保

武仙芳萊人。登洪順三年壬辰科同進士。初入東閣。擢左司講輔東宮憲宗立拜禮部